



Det har ikkje lukkast oss å få tsk i noko betre bilete av den forliste båten

På omlag 70 meters djupn litt vest for Korsneset ligg eit skipsvrak som har vorte ofra heller lita merksemd. Det er Varafjell, som var frå Haugesund og som sakk 30. desember 1942 etter å ha grunnstøtt og slege hol i botn.

Nolevande uskedelingar som såg forliset kan bekrefte det. Dei visar også til at det er omtala i boka Skipsforlis i Bergensleden, som Eirik Bakkevig har gjeve ut. Han freista å dykka ned til vraket i 1973 saman med nokre andre men fant det ikkje på grunn av djupna.



Forliset fann stad ved Korsneset

MS Varafjell vart bygd i tre i 1918 i Norrkøping og levert til eit reiarlag i Stockholm som MS Calsium.

Så hadde båten fleire eigarar i Sverige og Finland før den kom til Noreg i 1937 som MS Torvang med Johs. Taranger i Torangsvåg som eigar. i 1940 vart båten kjøpt av Leif Skogland & co AS. Varafjell var på belre 440 brutto registertonn.

Kva var så ramma kring ulukka? 29. desember var båten på veg inn fjorden med kislaster frå Ballangen og hadde Odda som mål. På grunn av dårleg sikt med snødrev bestemte kapteinen seg for å ankra opp ved Dimmelsvik. Båten gjekk med sakte fart gjennom Storsund om natta, men kom tydelegvis ut av kurs.

Varafjell tok inn vatn etter å ha truffe botnen og nokon av mannskapet kom seg i land.

Om morgonen vart båten forankra i land med vaierar men dei rauk om ettermiddagen og dermed glei båten ut og sakk. Ei tid ter forliset kom det opp litt olje.. Har du fleire opplysningar om forliset tek du kanskje kontakt med oss?

Av Harald Sætre og Ola Matti Mathisen.